

Gálatas

Mamabuinore coyuiyebu Pablo bácu ùi toivaicõjeiye báquede paperayocare Galacia ámicurijoborõcavu Jesúre ju airõevare. Pablo bácu judíovacacu bácvacari, Jesús ùi yávaiye méne beorí coyucõjeimv marejaquémavu, coyucuy ùi yávaiye méne judíova ánevare, judíova ne ju abe boje ùi coyuiyede. Lucas bácu coyurejaquemavu Pablo bácu borore Hch 7:57-8:1, 9:1-31, 13:1-28:31, aru ùi cuede Galacia ámicurijoborõi Hch 13-14, 16:1-7. Apevu ne dápiayepe, Pablo bácu toivaicõjenejaquemavu iyoca paperayocare ániuju bácarõre 48 d.C. ùi cuede Antioquía ámicurimaro Siria ámicurijoborõcarõi. Ùbenita apevu ne dápiayepe, ù mácu toivaicõjenejaquemavu diyocare ániuju bácarõre 52 d.C. pñque ùi cucunuiyede, coyucuy Jesús ùi yávaiye méne, ùi cuede Corinto ámicurimaro. Aru apevu ne dápiayepe, ù mácu toivaicõjenejaquemavu diyocare ániuju bácarõre 56 d.C. yóbecue ùi cucunuiyede, coyucuy Jesús ùi yávaiye méne, ùi cuede Éfeso ámicurimaro. Pablo bácu coyurejaquemavu ùre toivacaipõecu bácvre aipe ùi toivacaquiye báquede diyocare (Gá 6:11).

Diyocaque Pablo bácu jádovarejaquemavu ù baju Jesús ùi yávaiye méne beorí coyucõjeimvure. Aru coyurejaquemavu pøeva ne boropatebenajiy majibede Jümenijicui jáinore ne ðaiye boje yópe ðaicõjeiyepe. Coyurejaquemavu pøeva yópe boropatebevure Jümenijicui jáinore ne ju aiyequé Jesucristoi ðaiye báquede ùi yayiede jocucujaravena náre boje. Coyurejaquemavu pøecu cubecure ðaiye majicu yópe boropatebecupe ùi bajure Jümenijicui jáinore.

Pablo ùi meaicõjeino Galaciavure

(Mt 20.28; Mr 10.45; 1 Ti 2.6; Tit 2.14)

1 ¹Yv, Pablo, Jesús ùi yávaiye méne beorí coyucõjeimvutamu. Põecu ámemi beorí daroyv yure epecuyv Jümenijicui yávaiye méne coyupõecvva. Quénora Jesucristorecabe, majepacu Jümenijicvque, ñai nacovañv mácu Jesucristore yainore jarvvarí, epeyv bácu yure coyucuyvva ùi yávaiye méne. ²Yv aru caivv majevv, Jesúre memecaivv yúque curivvque, meaicõjeivvbu mjavare, Jesúre ju airõeva cójijivaivvure cójijijnamiai Galacia ámicurijoborõi. ³Majepacu Jümenijicu, maje jabocu Jesucristomaque, mearo ðacajacurí mjavare bojecubeda ùi me boje. Aru torojurí cure ðajacurí mjavare cãrijimevva. ⁴Jesucristo, ju arí majepacu Jümenijicvure, ðarejaquemavu yópe Jümenijicui ñrõpe. Que teni ùi bajuma yaidéjaquemavu, maje boropatebenajiyepe ayv maje ámeina

teiy boje, meadacuyv majare, maje ámeina tebenajiyepe ayv yópe apevu ijãravvcavvpe. ⁵Que baru mearore jínajarevva Jümenijicvure cainvva. Quédecabu.

Cüinárora Jümenijicui meadaino pøevare

(1 Ts 2.4)

⁶Cuecumari jáivv yv mjev ðaiyede. Maumejiena dajocavvbuya mjav Jümenijicvure, ñai cutuyv bácvre mjavare ù jina márovivva Cristoi mearo ðacaiye báquede mjavare ùi yayiede majare boje. Ùre dajocarí, ju aivvbuya mjavape yávaiyede, Jümenijicui yávaiye méne jarvvarí. ⁷Ùbenita ape yávaiye me cubevv. Cüinároramv cvvv: Jesucristo majare meadayvbe. Coyuyvbu mjavare diede, apevu pøeva ne bueiy boje apeno bueinore. Que teni cãrijovavvbuya mjavare. Aru oatvvaivvurídivvbuya iye yávaiye méne, Cristoi meadayede majare. ⁸Ùbenita ácu pøecv coyvru

mujare ape yávaiyede iye yávaiye méne ñuje mujare mamarumure coyuiye báquede jaruvari, aru “Coyuyubu mujare Cristo yávaiye méne” ñi aru ÷benina, Jūmenijicu ñájine ñajacurí ÷re toabo cūiméboi cainumua. Ye baju ñevu yávacari ji coyuru o ángele cūinácu Jūmenijicui curōcacuvacari ñi coyuru ape yávaiyede, ñájine ñajacurí Jūmenijicu ñujare máre. ⁹Javede coyucacu mujare diede. Aru caride máre coyuyubu diede mujare, Jesucristore ju aivure, cojedeca: Ácu pōescu coyuru yávaiye ape yávaiyede, iye Cristo yávaiye méne jaruvari, Jūmenijicu ñájine ñacuyume ÷re toabo cūiméboi cainumua. ¹⁰Ji nópe coyuiye boje, coreóvaivubu mija jáve pōeva ne me jáiyede vobecure. Quénora jáve voyubu Jūmenijicu ñi me jáiyede yure. Jáve buebevu yópe pōeva ne ñrōpe. Quénora bueivn Jūmenijicui ñrōpe. Yu bueyu baru pōeva ne ñrōpe, memecabejebu Cristore.

Pablo ñi coyūino Jesúí coyūicōjeiyede ÷re ñi yávaiye méne

(Hch 8.3, 9.3-6, 26-30, 11.30, 15.2, 22.3-10, 26.9-11, 13-18)

¹¹Muja, jívu, ñvu yu mije coreóva iyede iye Jesús ñi yávaiye méne ji coyuiyede pōeva ne dápiayie ñmene. ¹²Pōescu cubebi coyuyu bácu yure diede. Aru pōescu cubebi bueyu bácu yure diede. Quénora Jesucristovacari coreóvare ñarejame yure. ¹³Javede mujavacari jápiadavū ji borore, ji ñaiye báquede yópe caivu judíovape, ji ju aquíye jípacamia Jūmenijicure. Jūmenijicui pōeva Jesúsre ju aivure cururí, boarí, ñájine ñayn barejacácu yu cōmaje ñroje jámecuva. Coavaiyuríduyu barejacácu yu ne cójijiyede, ne ñajocarājiyepere aríduyu ne ju aiyede Jesúsre. ¹⁴Aru ji mearore jíye báquede Jūmenijicure yópe caivu judíovape, ñare ñarejacacu yu apevu judíova pueno, ina pōeteivn bácvare yáque. Que baru ne pueno ju arí, ñare cuyu barejacácu iye ñaicōjeiyede

ñujeñecuva mácvn ne bueiye báquede ñemarare aru ñepāramenare máre.

¹⁵÷benita nópe ñayn bácvreca, Jūmenijicucapūravu yópe ñacarejaquemavu yure. Beorejaquemavu yure ji pōetequiye jípacamia. Aru cuturejaquemavu yure, ñi pare ñe boje pōevare, ji memequiyepere ayu ÷que. ¹⁶Coreóvare ñarejaquemavu yure mamacure, Jesucristore, ji coyuyuyepere ayu ñi yávaiye méne ina judíova ñevure. Que baru Jūmenijicui coreóvare ñaríburu yóboi yure mamacure, ñamene jēniari jámenejacacu aipe ñaiye jaurore yure. ¹⁷Cūiná Jerusalén ñamicuríimaroí jácunñemenejacacu yu ina ji jípacai Jesús ñi yávaiye méne beorí coyūicōjeimarare, buescuyu náque. Quénora cūiná ñarejacacu yu Arabia ñamicuríjorōí, copaidacuyu cojedeca nore jocarí Damasco ñamicuríimaroí.

¹⁸÷benita yóbecuriyua vainíburu yóboita, ñarejacacu yu Jerusaléí, Pedrora jácuñn. ñarejacacu ÷que pūcasumana bajura. ¹⁹Aru apevu ina Jesús ñi yávaiye méne beorí coyūicōjeimarare jámenejacacu yu dinumure. Quénora járejacacu yu ñai Santiagore, maje jabocui yócvre. ²⁰Iye ji coyuiye jávetamu. Borocubecvna coyūivn yu diede mujare Jūmenijicui jáinoí.

²¹Aru ji ñaríburu yóboi Jerusaléne jocarí, ñarejacacu yu Siria aru Cilicia ñamicuríjorōí. ²²Ina Jesúsre ju aipōeva cójijivaivn ímaroa coapa Judea ñamicuríjorōcavu jámenejaquemavu yure cāreja dinumure. ²³Quénora jápiarejaquemavu ji borore, yópe aiyede: “Ñai cururí boarí ñájine ñayn bácu Jesúsre ju aipōevare javede, ne ñajocarājiyepere aríduyu ne ju aiyede Jesúsre, caride coyuyube Jesús ñi yávaiye méne, pōeva ne ju arājiyepere ayu ÷re”, arejaimada náre yurā. ²⁴Que baru mearore jídejaquemavu na Jūmenijicure, ñi mearo ñare ñaiye boje yure.

Apevu Jūmenijicui yávaiye méne beorí coyūicōjeimara ne me jáino Pabloí memeinore

2 ¹Catorce paíyua vainíburu yóboi, ñucacu yu cojedeca Jerusaléí.

Bernabé yóvame yure. Aru nūvacarā Titore máre. ²Nūcacu yu Jūmenijicui jáđovaiye boje nuiye jaurore yure noi. “Ji bueiye báque, aru caride ji bueiye, pōevare ūbenina bíjaquijichavū, jabova ne ūbedu ji bueiye”, arí dápiacacu yu ji baju. Que baru cójjiacacu yu Jesúre ju aipōvai jabovaque, coyucayū náre Jesús ūi yávaiye méne ji bueiye judíova āmevure, majicayū méne o āmene ji bueiye. ³⁻⁴Aru apevu pōeva buraičōjeiyurīduquemavu ji yóvaimu Titore ūi cajede judiovape, ūi bucūva judíova āmevureca. Ūbenita ina jabova ye buraičōjemeteima úre. Ina buraičōjeiyurīduivu Jesúre ju aivupe teivū yavenina darí cójijima űjajaque, majinajivu aipe űjaje daiyede. Boro coyurí adaiyurīduima űjajare, űjaje đabe boje caiye Jūmenijicui đaičōjeiyede, ūi coyūiye báquede Moisés bācure. Caiye diede đaiye jaubevu űjajare caride, űjaje cūe boje Jesucristoque cūinávupe, ūi boropatebede đaiye boje majare Jūmenijicui jáinore. Ūbenita nācapūravu yebacavupe tede đaiyurīduima űjajare, “Đajarā caiye iye Jūmenijicui đaičōjeiyepē ūi coyūiye báquede Moisés bācure”, ne ainoque. ⁵Ūbenita űjajacapūravu ye đabetecarā yópe ne űrōpe. űjaja đaivu baru yópe ne űrōpe, buebejebu iye yávaiye méne jávene, Jesucristoi meadaiyede majare. Que baru đabetecarā yópe ne đaičōjeniduiyepē, oatuvabenajivu Jesús ūi yávaiyede jávene. ⁶Aru ina Jesúre ju aipōvai jabovavacari ju arí űjajare, ye apejēne oatuvaicōjemeteima ji bueiye Jesús ūi yávaiye méne.

Ina jabovabu Jesúre ju aivu ne aimara parurivū, ne cūe báque boje Jesúque. Ūbenita Jūmenijicūvacari jáimi caivu pōevare cūináturū. Que baru ye baju āmevu yure ina jabova ne parué pōeva ne jáiyede. ⁷Oatūvaicōjemeteima yure ji bueiye. Quénora, “Jāve coreóvaivūbu caride”, aima na. “Jūmenijicui epeimūmu mū, bueyu Jesús ūi yávaiye méne judíova āmevure yópe ūi epeiye báquepe Pedrorē bueyu diede

judiovare”, aima yure ina jabova. ⁸Aru Jūmenijicūvacari epedējaquemavu yure Jesús ūi yávaiye méne beorí coyūicōjeimu judíova āmevure, yópe ūi epeiye báquepe Pedrorē Jesús ūi yávaiye méne beorí coyūicōjeimu judiovare. ⁹Que baru ina Jesúre ju aipōvai jabova parurivū pōeva ne jáiyede; Santiago, Pedro, aru Juan máre; coreóvaima dinūmure Jūmenijicu yure memecare đayure úre, ūi mearo đacaiye boje bojecubeda. Que baru caivu űjaja, ina yóbecurā aru yu Bernabēmaque, purūjēcarā űjaje baju, jáđovarajivu ne ju aiyede űjaje memecaiyede Jūmenijicure. Que teni űjaje ūme cūináturū, “Pablo Bernabēmaque buenajarama Jesús ūi yávaiye méne judíova āmevure. Aru Santiago, Pedro, aru Juan máre buenajarama Jesús ūi yávaiye méne judiovare”, acarā űjaja. ¹⁰Que aiyede, cūináro apejīnore ina jabova coyūima űjajare. Jēniaima űjaje đajocabenajiyepē aivu űjaje cadateiyede ina cōmaje ārojarivure. Aru yūcapūravu pare cadatēde nūiyucu batecācu náre.

**Pablo ūi yávarí meadaino Pedrorē
Antioquíai
(Hch 11.2-17)**

¹¹Ūbenita ji cuede Antioquíai āmicurīmaroi, Pedro edame noi Jesúre ju aipōvai cójjiñami. Apejāravua vainíburu yóboi, āmeina đáme ū. Dinūmu yāvavacu yu úre copū Jesúre ju aipōeva ne jápiainoi, ūi ména đabe boje ūi đaiyede. ¹²Mamarūmure Pedro mearo đayū bateáme. Āñū mateáme ina Jesúre ju aipōevacavu judíova āmevūque. Ūbenita apejāravua vainíburu yóboi, apevu ūmūva, Santiagoi daroimara māvavu, ne edaiyede Antioquíai, Pedro yóvabeteame ina Jesúre ju aipōevacavu judíova āmevure. Đajocame ūi āiyede náque. Aru coateni buame ūi baju náre jaruvarí. Nópe đáme ūi jidué boje ina edaivu bācavu ne buraičōjeiyepē boje caivu Jesúre ju aipōeva ūmūvare ne cajede judiovape. ¹³Pedro majicūvacari Jūmenijicu me jáñure Jesúre ju aipōeva

judíova ãmevure, aru majicuvacari coateiye jaubenore ina Jesúre ju aipõevacavũ judíova ãmevure jaruvãrĩ, coateame ñi bajuma. Aru apevu Jesúre ju aipõevacavũ judíova máre, ñpe ðarĩ buima. Que teni na máre majidivuvacari coateiye jaubenore Jesúre ju aipõevacavũ judíova ãmevure jaruvãrĩ, coateima ne bajumia. Aru Bernabé máre náque nũame ñ. ¹⁴Ji jáinore ne nópe ðaiyede ye ubetecacu yũ. Que baru yópe arĩ, coyucacu Pedrore caivu ne jápiainoi: “Múvacari judíotamu. Ubenita ðabevũ mu judíova ne ðaiyepe. Quénora ðaivu mu judíova ãmevu ne ðaiyepe. Que baru, ðaipe teni ðare ðaiyurĩduyurũ mu ina judíova ãmevure judíova ne ðaiyepe? Mi dajocaiye boje náre, na yóvayurivũ baru mure, ðaiye jaujebu náre judíovape. Que baru meamevu mi ðare ðaiyurĩduiye náre”, acacu yũ Pedrore.

**Jũmenijicu ñi meadaino judíovare
aru judíova ãmevure máre ne ju
aiyede Cristore
(Ro 3.20, 22; Fil 1.21)**

¹⁵Põetedejacadã ñũja judíova. Que baru judíova bajubu ñũja. “Judíova ãmevu ãmeina teivũbu ne cuvabe boje Jũmenijicui ðaicõjeiyede Moisés bãcui toivaiye báquede”, arĩ ðãpiaivũbu ñũja. ¹⁶Ubenita põecu cubebi Jũmenijicu “Boropatebevũ mu ji jáinore”, ñi aimũ, ñi ðaiye boje yópe Jũmenijicui ðaicõjeiyede Moisés bãcui toivaiye báquede. Quénora Jũmenijicu “Boropatebevũ muja ji jáinore”, aibi põevare ne ju aiyede Jesucristore. Diede me majidivũbu ñũja judíova Jesúre ju aivu. Aru ñũja judíovavacari ju aivũbu Jesucristore, Jũmenijicu “Boropatebevũ muja ji jáinore”, ñi aquiyepe aivu ðabevũva yópe Jũmenijicui ðaicõjeiyede Moisés bãcui toivaiye báquede. Que baru põeva cubema boropatebevũpe Jũmenijicui jáimara, ne ðaiye boje yópe ðaicõjeiyede. ¹⁷Que baru ñũja napini coreivũ Jũmenijicui jáiyede ñũjare boropatebevũpe ñũje ju aiyede boje Jesucristore, dajocadavũ ñũje

ðaiyurĩduiyede yópe Moisés bãcui ðaicõjeiyede báquede. Aru apevu ne jáiyede ñũja nópe teivũre, “Jũmenijicui ðaicõjeiyede vainĩ tuivũbu na yópe judíova ãmevure”, arãjichũma na. Aru, “Cristo vainĩ ture ðaibi põevare Jũmenijicui ðaicõjeiyede jaruvãrĩ”, arãjichũma na. iAipinũmua nópe abejarãri! Ne que aru jáve ãmevũtamũ.

¹⁸Que baru yópe bueyũbu yũ: “Põevare boropatebevũpe Jũmenijicui jáquiyepe aivu, ne ju aiyede Jesucristore javũ náre”, arĩ bueyũbu. Ubenita, “Mũje me curãjiyepe aivu Jũmenijicuque, ðaiye javũ mujare yópe Moisés bãcui ðaicõjeiyede”, abevũ yũ mujare. Aru nópe cõjeñũ maru, vainĩ tũjebu yũ Jũmenijicui ðaicõjeiyede. ¹⁹Aru javede Jũmenijicui ðaicõjeiyede ñi coyuiye báquede Moisés bãcure ðarĩdurejacacu yũ, boropatebevũyũ Jũmenijicui jáinore. Ubenita nópe ðarĩduyũvacari, cainũmua boropateyũpe barejacácu. Ubenita caride ji cuede Jesucristoque cũinãvũpe, boropatebecutamũ yũ Jũmenijicui jáinore. Que baru caride Moisés bãcui ðaicõjeiyede báquede quénora ðabecutamũ yũ. ²⁰Maje jabocu Jesucristo yayiú bãcu jocucujaravena oatũvarejaquemavũ ji ãmene. Que baru caride jipocai ji cue báquede ãmevu yũ. Cristo cucu yáque ðare ðaibi yópe ñi urõpe. Que baru javede ji ðaiye báquede ðabevũ cojedeca. Quénora ðaivu Cristo jiede. Ji ãmeina teiye boje, yaidéjaquemavũ. Que baru ñre ju arĩ, ñi ðaicõjeiyede ðayutamũ yũ. ²¹Que baru jaruvabevũ yũ Jũmenijicui jíye bojecubede ñi me boje, iye Jesucristoi mearo ðacaiyede yũre, ji ðarĩduiyequede yópe Moisés bãcui ðaicõjeiyede. Jũmenijicui járu põevare boropatebevũpe ne ðaiyede yópe ñi ðaicõjeiyede, Jesucristoi yaino mácarõ jaubejebu. Yayjébu ñ ubenita.

**Pablo ñi bueino põeva boropatebevũ
ãmevure Jũmenijicui jáinore ñi
ðaicõjeiyede Moisés bãcui toivaiye
báquede**

(Hch 3.25; Ro 1.17, 4.3, 16, 10.5)

3 ¹Muja, Galacia ãmicurijoborõcavũ Jesúre ju aivu, ãrũmevũpe nuríe

dápiabevu mɔja. Muje jáiyede nurié coyucacu mujare Jesucristoi yaiye báquede ne pɛvaimure jocusujaravena maje ámeina teiye boje. Ëbenita mujamu arevu ne mujovaimara. ²Que baru muje ju aiyede iye yávaiyede jávene, ji coyuiye báquede mujare, dajocaivubuya mɔja. Quénora Ëbenita dápiari býavũ boropateni buojaivu Jũmenijicu jáinore muje ðaiyeque yópe iye ðaicõjeiyepe Moisés bácu toivaiye báquede. Ëbenita Jũmenijicu jáve darobedejaquemavu mujare ñi Espiritu Santore maje ðaiye boje yópe ñi ðaicõjeiyepe Moisés bácu toivaiye báquepe. Quénora jáve darorejaquemavu ùre maje jápiari ju aiye boje Jesús ñi yávaiye méne. ³Jũmenijicu Espiritu Santo apure ðari búquemavu mujare mamaũmene. Que baru buojaiyue jaubevu mujare iye muje cavaede mamaũmene muje majiéqueda. Nópe ðaivu baru, árumevure ðajebu mɔja.

⁴¿Caiye iye vaiye báque bojecubedi mujare? Jáve dápiari coreóvadavũ aipino bojecuede iye mujare vaiye báquede. ⁵Jũmenijicu jáve darobebi mujare ñi Espiritu Santore aru ðabebi pœva ne ðari majibede muje jêneboi, muje ðaiye boje yópe ñi ðaicõjeiyepe Moisés bácu toivaiye báquepe. Quénora jáve daroibi ùre aru ðaibi diede muje jêneboi, muje jápiari ju aiye boje Jesús ñi yávaiye méne. ⁶Aru caride dápiajarã Abraham mácure. Yópe arí, Jũmenijicu toivaicõjenejaquemavu ñi yávaiyede: “Abraham ju arejaquemavu Jũmenijicu ðaquiyepe yópe ñi aiye báquepedeca. Que baru Jũmenijicu coyurejaquemavu ùre, ‘Boropatebecubu mu ji jáinore’, ñi ju aiye báque boje Jũmenijicure”, arí toivaicõjenejaquemavu.

⁷Que baru coreóvaiye jaavu mujare iyede: Ina pœva ju aivu Jũmenijicure, nárecabu Abraham mácu páramena baju. ⁸Javede Jũmenijicu toivaicõjenejaquemavu ñi yávaiyede, pœva ne coreóvarãjiyepe ayu boropatebede ðacuy ñi jáinore ina judíova ámevure ne ju aiyeque

ùre. Jũmenijicu coyurejaquemavu Abraham mácure mearo ðacacuyure ñi mácure ñi mearo ðacaquiye jipocai yópe arí: “Mu ju aivu yure. Que baru mure ji mearo ðacaiye báquepedeca ijárvucavu arevu, caivu yure ju aivure máre, mearo ðacacuyumu yu”, arí toivaicõjenejaquemavu Jũmenijicu. ⁹Abraham mácu ju aiye boje Jũmenijicure, ñi mearo ðacarejaquemavu ñi mácure. Que baru Jũmenijicu mearo ðacaibi caivu pœva ju aivure ùre yópe ñi mearo ðacaiye báquepedeca Abraham mácure.

¹⁰Caivu ina pœva ðaiyurĩduivu yópe Jũmenijicu ðaicõjeiyepe Moisés bácu toivaiye báquepe Jũmenijicu jáquiyepe arĩduivu náre boropatebevure, jáve Jũmenijicu ñájine ðaimara marajárama na, ne ámeina teiye boje. Coreóvaivubu maja die jávene, Jũmenijicu toivaicõjeiye báque boje, yópe arí, ñi yávaiyede: “Ácu pœcu ðabecu baru cainmua yópe caiye Jũmenijicu ðaicõjeiyepe Moisés toivaiye báquepe, jáve ñájicuyume ñi, ñi vainí tuiye boje diede”, arí toivaicõjenejaquemavu Jũmenijicu.

¹¹Aru coreóvaivubu maja iyede: Pœcu cubebi boropatebecu Jũmenijicu jáinore, ñi ðaiye boje yópe Jũmenijicu ðaicõjeiyepe Moisés bácu toivaiye báquepe. Jũmenijicu toivaicõjeiye báque boje, yópe arí, ñi yávaiyede: “Ina Jũmenijicu boropatebede ðaimara mácavu, ne ju aiye boje ùre, apurãjivubu cainmua. Que baru coatede ðabemara marajivubu na Jũmenijicure jaruvari”, arí toivaicõjenejaquemavu Jũmenijicu. ¹²Ñai Jũmenijicure ju ayu, “Jũmenijicurecabe boropatebede ðacuy yure”, aibi. Ëbenita ñai ðarĩduyu yópe iye ðaicõjeiyepe Moisés bácu toivaiye báquepe, “Yurecabu boropatebede ðacuy ji bajure ji ðaiyeque iye ðaicõjeiyepe”, arĩduibi. Ëbenita ùrecabe boropatecuy, ñi ðari buojabe boje caiye iyede. Coreóvaivubu maja die jávene, Jũmenijicu toivaicõjeiye báque boje, yópe arí, ñi yávaiyede: “Ñai

ðarī buojayv caiye iye Jūmenijicui ðaicōjeiyede cūcūyume ũ aru coatede ðabemu macūyúme ũ Jūmenijicure jarūvarī”, arī toivaicōjenejaquemavv Jūmenijicu.

¹³ Æbenita Cristorecabe cadateyv bācv majare. Jūmenijicui ñājine ðaiye jauřidurejaquemavv majare, maje ðabe boje caiyede yópe Jūmenijicui ðaicōjeiyepe. Æbenita Cristovacari ñājicarejaquemavv yayúv, ne pēvaimv mácv jocūcjaravena, majare boje. Que teni bojedarejaquemavv maje vainí tuiyede, maje ñājimenajiyeye ayv maje baju āmeina teiye boje. Coreóvaivvbu maja jāvene Cristoi ñājicaiye báquede jocūcjaravena majare boje. Jūmenijicu toivaicōjenejaquemavv, yópe arī, ũi yávaiyede: “Caivv ina ne pēvaimara jocūcārā Jūmenijicui ñājine ðaimaramu na, ne āmeina teiye boje”, arī toivaicōjenejaquemavv Jūmenijicu.

¹⁴ Cristo ñājiñv yaicārejaquemavv mūja judíova āmevure boje máre, mūje cūvarājiyeye ayv iye mearo ðacaiyede, yópe Jūmenijicu “Mearo ðacacūyumu yv mūjare”, ũi aiye báquepedeca Abraham mácvre, aru maje corv etarājiyeye ayv ñai Espírиту Santore yópe Jūmenijicu “Cadateyvure darocūyumu yv mūjare”, ũi aiye báquepedeca.

Jūmenijicu ũi coyūino “Yópe mearo ðacacūyumu” ũi coyūquiyē jipocare ũi ðaicōjeiyede
(Ro 4.14)

¹⁵ Mūja, jívč, caride coyūquijivv mūjare maja pōeva maje ðarī cōmajiyena mūje coreóvarājiyeye ayv. Pūcarā ũmūva “Yópe ðarī memenajare”, ne arī toivaru ne āmiāre diena, ñame buojabebi jarūvayv aru oatūvayv diede, ina ũmūva ne jv abedu. Quédeca Jūmenijicu “Yópe ðarājare”, ũi aiye báquede ñame buojabebi jarūvayv aru oatūvayv diede máre. ¹⁶ Jūmenijicu “Yópe mearo ðacacūyumu yv mūjare”, ávarejaquemavv Abraham mácvre aru ũi pāramenacacv bacūyúre máre. Æbenita Jūmenijicu toivaicōjemenejaquemavv

ũi yávaiyede “mipāramena márājivv”, obedivv ainore. Quénora toivaicōjenejaquemavv ũi yávaiyede “mipāramenacacv bacūyú”, cūinācv ainore. Aru Cristorecabe ñai cūinācv. ¹⁷ Ji coyūiyede mūjare yópe ayvūrōtamv: “Yópe ðarājaramu maja”, arejaquemavv Jūmenijicu Abraham mácvre. Aru que arīburu yóboi, Jūmenijicu “Jāve ðacūyumu yv yópe ji aiye báquepedeca mūre”, arejaquemavv Abraham mácvre. Que baru Jūmenijicu ũi aiye báquede cuatrocientos treinta paiūjva jipocai ye jarūvabedejaquemavv aru oatūvabedejaquemavv ũi ðaicōjeiyeque, Moisés bācvui toivaiye báqueque cuatrocientos treinta paiūjva yóboi. Jāve Jūmenijicu ðaibi yópe ũi aiye báquepedeca. ¹⁸ Pōevai boropatebeni buojaru Jūmenijicui jāinore ne ðaiyeque yópe iye ðaicōjeiyepe Moisés bācvui toivaiye báquede, Jūmenijicu “Yópe mearo ðacacūyumu pōevare”, ũi aiye báque bojecubejebu. Æbenita pōeva boropatebev v buojabema ne ðarīduiyeque yópe Jūmenijicui ðaicōjeiyepe. Que baru Jūmenijicu “Yópe mearo ðacacūyumu pōevare”, ũi aiye báque bojecūvč. Aru Jūmenijicu mearo ðacayv pōevare, jāimí náre boropatebevure yópe ũi aiye báquepedeca Abraham mácvre: “Caivv pōeva yvure jv aivvure yópe mi jv aiyepe yvure mearo ðacacūyumu yv”, arejaquemavv.

¹⁹ Jāve Jūmenijicu coyūrejaquemavv ũi ðaicōjeiyede Moisés bācvre, “Yópe ji ðaicōjeiyepe ðajarā mūja”, arīduyv judío vare. Jūmenijicu coyūrejaquemavv diede, pōeva ne coreóvarājiyeye ayv vainí tuivvure ne āmeina teiye boje. Abraham mácvui pāramenacacv Jesucristoi daiyede, iye ðaicōjeiyepe ðaiye cūinéjaquemavv. Que baru Jesucristoi daiyede, Jūmenijicu mearo ðacarejaquemavv pōevare yópe ũi aiye báquepedeca. Iye Jūmenijicui ðaicōjeiyede Jūmenijicu yávarejaquemavv ángelevare. Aru na yávarejaquemavv Moisés bācvre.

Aru ñ mácu toivarejaquemavu diede, pōeva ne majinajiyere ayu. Que teni Jūmenijicu coreóvare ðarejaquemavu pōevare ñi ðaicōjeiyede ñi coyūiyequere arevure, ina ángelevare aru Moisés bácuere máre. ²⁰ Ñbenita Jūmenijicu coyubedejaquemavu “Yópe mearo ðacacuyumu”, ñi aiyede Abraham mácuere apecuque. Quénora Jūmenijicuvacari cūinácura coyurejaquemavu diede ñ mácuere apecui cubeda.

Jūmenijicu ñi ðaiyurō iye ñi ðaicōjeiyequere

(Ro 4.13, 8.15-17; Col 2.8, 20)

²¹ ¿Jūmenijicu bojecubede ðarejaquemari iye “Yópe mearo ðacacuyumu”, ñi ávaiye báquede Abraham mácuere ñi ðaicōjeiyequere, ñi coyūiyere báquede Moisés bácuere? ¡Bi, ye que ámevu! ¡Aipinumu vaibéjarōri nópe! Jūmenijicu ye jámecube pōevare boropatebevure maje ðaiye boje yópe ñi ðaicōjeiyere. Maja ye meareo ðaiye majibevu, Jūmenijicui cure ðaquiyepe aivu majare járavu cūiméjáravu baquinóre. Cainumua maje mearo ðaiye javu Jūmenijicui jáinore. Que baru ðaicōjeiyere ðaríduivvacari, caivu pōeva eabenajarama járavu cūiméjáravu baquinóre. Ye boropatebevure bñojabenajaramu maja Jūmenijicui jáinore maje mearo ðaiyuríduiyequere. ²² Jūmenijicu toivaicōjenejaquemavu ñi yávaiyede, coreóvare ðacuyu majare caivu ijáravucavu ðaicōjeimarave ne baju ámeina ðaiyueque. Que baru pōeva ne ju aiyede Jesucristore, Jūmenijicu jáimi náre boropatebevure “Yópe mearo ðacacuyumu”, ñi aiyere báqueredeca. Aru ina pōeva ju aivu Jesucristore quénurabu Jūmenijicui jáimara boropatebevure.

²³ Jesucristoi ðaquiye jipocare caivu pōeva ðaicōjeimarape paivu barejaquemavu, maje ðaríduiyere boje yópe Jūmenijicui ðaicōjeiyede ñi coyūiyere báquere Moisés bácuere. Nópe barejaquemavu pu Jesucristoi

ðaiyeta. Cristo ñi ðaiyede, Jūmenijicu jáðovarejaquemavu majare boropatebevure ñi jáinore maje ju aiyede Jesucristore. ²⁴ Que baru Jesucristoi ðaquiye jipocare, caivu pōeva juedova coreimarape paivu barejaquemavu. Aru Jūmenijicui ðaicōjeiyere ñi coyūiyere bácuere Moisés bácuere majare coreipōescuere paiye barejaquemavu. Yópe coreipōescuere coreóvare ðaiyere juedovare ñájinajivure ne mearo ðabedu, nopedeca iye ðaicōjeiyequere coreóvarejaquemavu ñájinajivure, maje ámeina teiyere boje. Nópe barejaquemavu pu Jesucristoi ðaiyeta, maje boropatebenajiyere aiyere Jūmenijicui jáinore maje ju aiyequere Jesucristore. ²⁵ Caride Jūmenijicu jáimi majare, Jesucristore ju aivure, boropatebevure. Ñña Jesucristore coreóvaivu, úre ju aivu, coreimarape ámevutamu iye ðaicōjeiyequere.

²⁶ Aru caivu muja Jūmenijicui máramu muje ju aiyequere Jesucristore, úque curí cūinávure. ²⁷ Muja jáðovaimara mácavu Jesucristoque ocoi curivubu úque cūinávure. Que baru caride cuvü muja Jesucristope árojarivu. ²⁸ Que baru caride ye baju ámevu judío o judío ámevu, yebacacu o yebacacu ámevu, aru ñmü o nomío máre. Caivu cūinávure paivubu maja, maje cue boje Jesucristoque cūinávure. ²⁹ Muja Cristo jina mae boje, Abraham mácuere pāramena bajubu muja. Que baru Jūmenijicu mearo ðacacuyume mujare yópe ñi aiyere báqueredeca.

4 ¹ Yópe coyūquijivu mujare cojedeca maje cuede Jesucristoque ñi jinava, ðaicōjeimara ámevu. Mamacu, bucüríburu yóboi, cuvacuyume jípacu jiede. Ñbenita juedocu cāreja, jabocu bacuyávacari, yebacacure páyu arevüi cōjeimure ñ. ² Juedocu cāreja, arevü jári coreivubu úre aru ñ jie baquiyéde máre pu añijáravu, jípacui beoijáravu baquinóita, ne ðajocarājiyere aivu ne jári coreiyede úre aru ñi cuvaede máre. ³ Nopedeca vaidéjaquemavu majare máre maje majibede cāreja

Jūmenijicui yávaiye méne. Yópe juédova ne cōjeimarape, maja máre yebacavu barejaquémavu, iye ðaicōjeiyeque, majeñecuva ne ðarí cōmajiye báqueque.

⁴ Ñbenita majare nápe paivu b́acavure añijáravu, Jūmenijicui beoijáravu b́acaró, Jūmenijicu darorejaquemavu mamacure ijáravu. Ñ máre caivu apevu p̄evape, cuvarejaquemavu jípacore. Aru p̄otedejaquemavu judíovacacu. Que baru ju arí Jūmenijicui ðaicōjeiye ñi coyuiye báquede Moisés b́acure curejaquemavu ñi, mamacu. ⁵ Ñi daiye boje Jūmenijicui ðaicōjeimure páyvacari, bojedayu buojarejaquemavu ina ðaicōjeimara mácvure iye ðaicōjeiyeque, ne ñájimenajiyepa ayu ne vainí tuiye báque boje diede. Aru ñi nópe ðaiye báque boje, buojalbi cure ðayu majare Jūmenijicui márape. ⁶ Múje Jūmenijicui mára teiye boje, ñi daroibi mamacui Esṕritu Santore, ñi cuquiyepe ayu múje úmei, jádovacayu jáve Jūmenijicui márame múja. Aru ñai Esṕritu Santo “mu, jípacu”, arí jēniari buojare ðalbi caivu majare Jūmenijicuque. ⁷ Jūmenijicui nópe ðaiye boje, caride yebacavure, apevui ðaicōjeimarape paivu ámevu múja. Quénora Jūmenijicui máramu múja, ñi jáve mearo ðacaiye boje mújare yópe ñi aiyé báquedepedeca. Caiye iye ñi cavaede ñi jíquiyede ñi márame jícyume mújare.

Pablo ñi dápiaino aipe nuquinore Galaciavure

(Hch 16.6; Ro 8.29; 2 Co 3.18;
Fil 3.10; Col 2.8, 20)

⁸ Javede múje coreóvabede cāreja Jūmenijicure, ijáravure cōjeivu ne yebacavure paivu barejaquémavu múja. “Jūmenijinamu na”, arí dápiaríduivu barejaquémavu múja. Ñbenita ye jūmenijina ámemu na. Ñai Jūmenijicu cūinácara, caiyede cuédayu b́acure coreóvabeni mearore jíbedejaquemavu múja. ⁹ Ñbenita caride múja coreóvaivubu Jūmenijicure, ñi coreóvaiye báque boje mújare mamarumure. Que baru, ¿aipe teni

dajocaiyurivurū múja múje cuede jocarí Jesucristoque cūinávure, yebacavure tenajivu bedióva cojedeca iye ðaicōjeiyeque, majeñecuva mácvu ne ðarí cōmajiye báqueque? Iye ðaicōjeiye parubetamu. Que baru múja ye cadatebemaramu iye ðaicōjeiyeque. Aru cure ðabegarā múje baju yebacavure cojedeca múje ðarí buiyeque yópe judíovape. ¹⁰ Múja dápiaríduivubu múje ðaiyede judíovape, Jūmenijicui mearo ðacaiyepa aivu mújare. Que baru torojuve teivubu yópe judíovape apejáravuai, apevu aviávai, aru apejuai máre. ¹¹ Múje que ðaiye boje chíoiyu yu mújare. Que baru, “¿Ye bojecubedi ji bueiyé báque náre?” arí dápiayu yu.

¹² Múja, jívu, paruróreca jēniayu mújare, múje ðarājiyepa ayu yópe ji ðaiyepa. Yu judíovacari, ðabevu yópe Jūmenijicui ðaicōjeiyede Moisés b́acui toivaiye báquere. Que baru yu máre ðaivu yópe múje ðaiyepa. Mújape teyubu yu. Diede dajocarejacacu yu. Ameno ðabeteavū múja yure. Quénora mearo ðávū múja yure. ¹³ Coreóvaivubu múja yure ijimu mácure. Aru ji ijeteiye boje mamarumure coyucunucacu Jesús ñi yávaiye méne múje yebai. ¹⁴ Aru yure ijíé báque boje, copu etaiyubejebu múja yure. Ñbenita ámeina jámevava jaruvabeteavū yure. Quénora me copu etavū yure yópe múje copu etajuroepe cūinácua ángele, Jūmenijicui daroimure, aru yópe múje copu etajuroepe Jesucristore máre. ¹⁵ Mamarumū ji bueiyede mújare Jesús ñi yávaiye méne, torojurivu bateávū múja. ¿Aipe teni torojubevurū múja caride? Yávacari majivu aipe múje ðaiyede dinumure. Caijiene ðajebu múja, cadatenajivu yure, ívu múje yacorua, jínavu yure. ¹⁶ Ñbenita caride jáivubu múja yure yópe múje maucure, ji coyuiye boje yávaiyede jávene mújare.

¹⁷ Apevu, ina bueivu ape yávaiyede, torojure ðaiyurivubu mújare, múje me puedarājiyepa aivu náre. Ñbenita ne ðaiyuríduiye meamejebu mújare. Maucavure ðaríduivubu mújare yáque,

mujе jи arājiyеpe айvи ne buеiyеde.
¹⁸Pōeva ne cadateiyue apevure mému cainumua, ne cadatedu náre ne baju dápiaiно mearoque. Ёbenita meamevu ne cadateiyе mujare ji cuede mujaque ubenita ne cadatebe mujare ji cubede mujaque. Que baru cadatejarāri mujare ne dápiaiно mearoque cainumua, ji cuede aru ji cubede máre. ¹⁹Muja, jímajinape paivи, bediόva cojedeca nājivи yи mujare boje yόpe ico juedocuvacođo oī nājiyеpe. Nājivи yи, jácnyи mujare Cristope ārojarivure. ²⁰Pare cārijivи yи mujare boje. “¿Aipe đarī Galaciacavure cadateje bārica yи?” arī dāpiavи yи. Que baru cuiyurīduivи yи mujaque caride, oatuvacyи ji coyuiyеde mujare.

Pablo ũi jēvari coyūino đaicōjeiyede đarīduivи ne đaiyena aru Jūmenijicui mára ne đaiyena máre pucarā nomiva ne cue báqueque

²¹¿Caivи muja đaiyurīduivи yόpe Jūmenijicui đaicōjeiyede Moisés bācui toivaiye báquepe, jāpiarī eabenaru muja iye đaicōjeiyede? Jāve jāpiarī eabevи muja diede. ²²Jāpiajarā caride Moisés bācui toivaiye báquede Abraham mácui borore. Abraham mácu ina pucarā mamarumи pōeteivи bācavure cūvarejaquemavи pucarōmiva nomivaque. Cūinācu Abraham mácui márepacoй yebacacoй mácu barejaquémavи. Aru apеcu Abraham mácui márepaco bajui mácu barejaquémavи. ²³Ńai yebacacoй mácure juedocūvarejaquemavи yόpe caivи apеvu pōevape. Que baru jíbucu pōetedejaquemavи yόpe caivи apеvu juedovape. Ёbenita Ńai jímarepaco bajui mácure juedocūvarejaquemavи Jūmenijicui coyuiye báque boje cūvarājivure mamacure. Que baru ĩmacu pōetedejaquemavи Jūmenijicui pōeva ne đarī majibede đaiyeque, jípacoi pare bucūco bae boje.

²⁴Maje coreóvaiye Agar bācoй borore aru Sara bācoй borore máre jādovaivи majare ape yāvaiyеde

jāvene. Yόpe vaiye báquepedeca ina pucarōmiva nomivare, vaivи pōevare ne voiyede Jūmenijicui me jāquiyеpe айvи náre. Apevu đaiyurivubu yόpe Jūmenijicui đaicōjeiyеpe ũi coyuiye báquede Moisés bācure, Jūmenijicui me jāquiyеpe arīduivи náre. Aru apеvu jи айvubu “Yόpe mearo đacacuyumu mujare”, Jūmenijicui айe báquede, ũi me jāquiyеpe айvи náre. Ico yebacaco Agar āmicurejaquemavи. Aru o máco jādovaimico majare ne đaiyеde, ina voivure Jūmenijicui me jāquiyеpe arīduivи ne đaiye boje. Nápe paivubu caivи đaiyurivи yόpe Jūmenijicui đaicōjeiyede Moisés bācui toivaiye báquepe Sinai āmicuricū cūracūi. Que baru yebacavure paivubu na, ũpe Agar bācoй mácure. ²⁵Aru Agar bāco jādovaimico majare pucarōa cūrōare, Sinai āmicuricū cūracūre, Arabia āmicurījoborōcacūre, aru Jerusalén āmicurīmarore ijāravancarōre, judiόvai ĩmaro urarōre. Aru ina judiόva đarīduivubu yόpe Jūmenijicui đaicōjeiyеpe. Que baru Agar bāco népacope pādobe aru opedeca yebacavure paivubu na. ²⁶Ёbenita Sara bāco jādovaimico majare apeno ĩmaro Jerusalén āmicurīmarore, cavarō mearo Jūmenijicui cūrōre, Jūmenijicure jи айvи ne ĩmaro mearore. Aru maja jи айvubu Jūmenijicure. Que baru Sara bāco majepacope pādobe aru opedeca yebacavure paivи ānevutamу maja. ²⁷Que baru Jūmenijicui mára, caivи Jesucristore jи айvи, obedivи barājaramу maja. Ёbenita ina đarīduivи yόpe Jūmenijicui đaicōjeiyеpe ũi coyuiye báquede Moisés bācure, obebejīna marajárama na. Nópe arī Jūmenijicui toivaicōjenejaquemavи ũi yāvaiyеde:

Mи, juedocuvabeco, torojajaco mи mi ũmei. Mи, nājimeco cāreja juedocuvaede, codobobojaco mи mi torojue boje. Que baru ico nomió jímarepacui jaruvaimo máco, ũmucucodome cojedeca. Que baru mamara cūvacodome ico ũmucucoco pueпо,

arī toivaicōjēnejaquemavū
Jūmenijicu.

²⁸ Aru mūja, jīvū, yōpe Abraham
mácui mácū Isaac bácui pōeteiye
báquepe Jūmenijicu “Yōpe baquiyébu”
ūi aiyē báquepe, nopedeca mūjamu
Jūmenijicui mára yōpe ūi aiyē báque
boje. ²⁹ Javede Abraham mácui mácū
mamarumū pōeteyū bácū, Agar bácoi
mácū, űai ne juēdocuvamū mácū yōpe
caivū apevū pōeva ne juēdocuvaere,
űájine dayū barejaquémavū imacu
bácure, Sara bácoi mácure, űai ne
juēdocuvamū mácure Jūmenijicui
Espiritu Santoi parure űaiyeque ūi
bucūva bécavure. Aru quēdecabu
caride máre. Ina űare űaicōjeiyūriđivū
yōpe Jūmenijicui űaicōjeiyepe űájine
űaivūbu majare máre. ³⁰ Ūbenita yōpe
arī, toivaicōjēnejaquemavū Jūmenijicu
ūi yáva iyede: “Ico yebacacoi mácū
cuvabecuyūme jípacui cūvaede.
Quénora ico ūi márepaco bajui mácū
cuvacuyūme caiye jípacui cūvaede. Que
baru jaetovajacu ico mi yebacacore
aru mamacure máre yore jocarī”, arī
toivaicōjēnejaquemavū Jūmenijicu.
³¹ Mūja, jīvū, que baru maja yebacacoi
márape paivū āmevū maja. Quénora
majamu majepacu márepaco bajui
márape paivūbu. Que baru mearore
cūvarājaramu maja, majepacu
Jūmenijicui jíquiyede majare.

Yebacavupe tebejarā mūja cojedeca

(Mt 19.19, 20.26; Jn 8.32-
36; Ro 13.8-10; 1 Co 5.6)

5 ¹ Maja yebacavupe paivū bécavure
majeñecuva ne űarī cōmajiye
báqueque jave meadaibi majare
Jesucristo. Ūrecabe bojedacayū bácū
maje āmeina teiyede, maje curājiiyepe
ayū me Jūmenijicūque. Que baru
maja, Jūmenijicui mára, ju ávaivūbu
Jesucristore. Que baru jápiarī adabejarā
ina űare űaicōjeiyūrivure yōpe
Jūmenijicui űaicōjeiyepe ūi coyūiye
báquede Moisés bécure.

² Jápiarā yure. Yávacari, Jesús ūi
yáva iye méne beorī coyūicōjeimaracacu,

coyūivū mūjare. Mūje buraicōjenu mūje
cajede Jūmenijicure me jáicōjenidivū
mūjare yōpe ina űare űaicōjeiyūrivū ne
űaicōjeiyepe, Jesucristoi yaiye báque
bojecubequiyebu mūjare. ³ Bedióva
cojedeca parūrōreca coyūivū mūjare.
Ácu pōecu buraicōjeñū maru ūi caje
űaiye jaujebu űre yōpe caijie Jūmenijicui
űaicōjeiyepe ūi coyūiye báquede Moisés
bécure. ⁴ Mūjacavū vorī eaiyūriđivū
Jūmenijicui jáquiyeye aivū mūjare
boropatebevūpe, mūje űaiye boje yōpe
ūi űaicōjeiyepe ūi coyūiye báquede
Moisés bécure, jave coatedavū maja
Cristore jarūvarī. Mūjacapūravū
jave ūbeni jarūvadavū mūjare
jarūvarī Jūmenijicui jíyede pōevare
bojecubeda ūi me boje. ⁵ Ūbenita
majacapūravū napini coreivūbu aru jāve
coreóvaivūbu Jūmenijicui jáquiyede
majare boropatebevūpe ūi Espiritu
Santoi parūéque maje ju aiyede űre.
⁶ Que baru maje cuede Jesucristoque
cūinávūpe ye baju āmevū buraicōjenu
o buraicōjemenu maje caje. Ūbenita
maje ju aiyede Cristore apevū pōevare
urī, mearo űacaivūbu maja, cadateivū
náre. Aru diedecabu bojecue majare.

⁷ Mamarumūre me nūre nūrejāvū
mūja mūje cuede Jesucristoque
cūinávūpe. ¿Name matedí dajocare
űaivū mūjare mūje ju aiyede iye
yáva iyede jāvene? ⁸ Ácu pōecu
Jūmenijicu āmeme. Jūmenijicu mūjare
cutuyūbe ū jina márajivūva. Que baru
ucube mūje ju are nūrajiiyepe ayū
Jesucristore. ⁹ Yōpe pōeva ne quíjie
páure bucure űaiyeque bucúóvainope
caino jívaibore, nopedeca obebe bueiye
jāve āme meamene űarī bujoaivū
obedivū pōevare. ¹⁰ Mūja aru yū máre
curivūbu Jesucristoque cūinávūpe. Que
baru majivū yū Jesucristo cadatecuyūre
mūjare, mūje dápiare nūrajiiyepe ayū
ji dápiaiyepe. Aru yácapūravū majivū
Jūmenijicu űájine űacuyūre űai mūjare
cārijovañūre, ye baquinó āmevū ácu
pōecure.

¹¹ Mūja, jīvū, yácapūravū “Ūmūvare
ne caje buraicōjeiye jauvū mūjare”,

ji arí coyũre nũru, ina judíova cãrijovamejebu yure. Aru ji buraiçõjenu ãmũvare ne cajede, ina judíovacapũravũ cãrijimejebu ji coyũie boje Jesucristoi yaiye báquede jocũcujaravena. Ûbenita na cãrijivutamu, ji põevare ju aicõjeiye boje Jesucristore, ne curãjiyere ayũ me Jũmenijicque. Que baru cãrijovadama yure ãmeno ji vaiquĩyere aivũ. ¹²Ina mujare cãrijovare cuivũre, buraiçõjeiyũrivure mujere cajede, nãcapũravure cũiná burarĩ jarũvaicõjejara ne cajede.

¹³Muja, jĩvu, mujarecabu Jũmenijicui cutuimara mácavũ ã jina mãrajivũ, ðabenajivũ iye ðaicõjeiyede yebacavũre. Ûbenita me jãjara diede, yebacavũre tede ðaiyede. Mujare ðaiye jaube boje iye ðaicõjeiyede, “Caiye maje ãmeina ðaiyũede ðarĩ buojavũbu maja”, arĩ dãpiabejarã. Quãnora dãpiajarã mujere baju yõpe yebacavũre, caðatenajivũ mujacavũ Jesũre ju aipõevare, mujere ue boje caivũ Jesũre ju aivure. ¹⁴Caiye iye Jũmenijicui ðaicõjeiye ãi coyũie báque Moisés bãcũre aru caiye ape ðaicõjeiye mãre cũebu cũináromia yõpe: “Mujera coara ãjarã mujevũre yõpe mujere uepedeca mujere bajure”, aiyũebu iye. ¹⁵Ûbenita muja jijatede nuivũ baru mujere bajumia aru boavũ baru mujere bajumia yõpe ãimara jijecurivũre, me jãjara muja, bĩjare cuiye mujere me cuede mujere bajumia.

Põeva ne ãmeina ðaiyũe aru Jũmenijicui Espĩritu ãi mearo ðaicõjeiye

(Ro 6.3-14, 7.15-23; Gã 2.20, 6.14)

¹⁶Yõpe coyũiyũvũ yũ mujere. Ñai Espĩritu Santoi ðaicõjeiyepe ðavũ curãjã muja ãi urõpe. Dabejarã yõpe mujere baju ãmeina ðaiyũere. ¹⁷Maje baju ãmeina ðaiyũe Espĩritu Santoi mearo ðaicõjeiyepe ãmevũ. Quẽdeca Espĩritu Santoi mearo ðaicõjeiye maje baju ãmeina ðaiyũerepe ãmevũ. Maucũvarõreca painotamu no. Ûbenita maje ju aiyede ñai Espĩritu Santore, ðarĩ buojabevũ yõpe maje ãmeina

ðaiyũere. ¹⁸Muja ðavũ baru yõpe ñai Espĩritu Santoi mearo ðaicõjeiyepe, ðaicõjeimarape paivũ ãmevũ muja Jũmenijicui ðaicõjeiyeque ãi coyũie báquede Moisés bãcũre. Que baru ðarĩduiye jaubevũ mujere diede, mujere curãjiyere aivũ me Jũmenijicque.

¹⁹Caivũ majima aipe ãrojae ne ðaiyede ina ne baju ãmeina ðaiyũereque ðavũ. ãmeina ðavũbu aprevũque nẽmarebũcũva ãmevũque, curivũbu ãmeũmeque, aru caino ãmenore ðavũbu. ²⁰⁻²¹Meareore jĩvũbu pẽpeimarare, aru yaviẽde ðavũbu. Maucũvarivũbu ne baju, jaravũbu, tebutivũbu, jijateivũbu ãbenina, aru ðavũbu ne baju urõpe dãpiabevũva meareore o ãmenore apevũre. Jarare ðavũbu apevũre, yajuboa tede ðavũbu maucũvarãjivũ apeyajubocavũque, aru jorojĩvũbu. Pacoteivũbu, bujĩeque ãcuri aru urarõ arĩ torojũve teivũbu, aru apeno nõpe paino urarõ ãmenore ðarĩ cõmajivũbu na. Parurõreca coyũivũ mujere diede, nõpe ji coyũie báquepedeca mujere javede, mujere majinajiyere ayũ Jũmenijicui jabotebecũyũre ina nõpe ðavũre.

²²Ûbenita ðavũ maja yõpe ñai Espĩritu Santoi mearo ðaicõjeiyepe, yõpe ãrojaetamu maje ðaiye. Ûrivũbu apevũre. Torojũrivũbu maje ãmei. Curivũbu me cãrijimevũva. Aru napivũbu. Mearo ðavũbu apevũre. Caðateivũbu apevũre. Aru jãvene ðavũbu yõpe “ðarãjare”, maje aiyere báquepedeca. ²³Meareore põevare curivũbu me. Aru maje bajure curĩ majidivũbu. Nõpe ðaiyede caiye ðaicõjeiye bĩjaroĩ buojabevũ. ²⁴Jesucristo ãi yayede jocũcujaravena jarũvarejaquemavũ maje ãmeina teiyede. Que baru maje cuede Jesucristoque cũinávũre, dajocavũbu maje ãmeina teiye báquede aru jãve ðabevũ yõpe maje ãmeina ðaiyũere. ²⁵Ñai Espĩritu Santo apure ðaibi majare mamaũmeque. Que baru ãre coreicõjeiye jãvũ majere caiye maje ðaiyede, maje dãpiayede mãre. ²⁶“¿Meare mãrica apevũ ruẽno?” arĩ dãpiayere jaubevũ majere. Majacavũre

jarare ðaiyue jaubevu majare. Aru jorojĩne ðaiye máre jaubevu majare.

Caðatejarã muje baju

(2 Ts 3.13)

6 ¹Muja, jívu, cūinácu mujacacu ũi vaini turu ãmeina ðayu, muja ñai Espíritu Santoi ðaicōjeimara caðatejarã ũre, ũi ðajocaquiyeye aivu ũi ãmeina teiyede. Ména meadarĩ, caðatejarã ũre. Aru me jájara, muja máre vaini tubenajivu ũre. ²Muje baju caðatejarã, apecu ũi ñájimequiyeye aivu. Nópe ðaivu baru, ðaivubu muja yópe Cristoi ðaicōjeiyeye.

³Ácu pōecu “Mearo ðaivu yu”, arĩ dápiayu baru mearore ðabecuvacari, ũi bajuma mujovayube ũ. ⁴Caivu jári corevajarãri ne baju ðaiyede, coreóvarãjivu mearore o ãmenore. Aru ñai mearore ðayu torojajacurĩ ũi nópe ðaiye boje. Ũbenita jámecuva apevu ne ðaiyede, “¿Name pñeno mearore ðari?” arĩ jēniari jámejacurĩ ũ. ⁵Que baru muja coapa me jári corevaiye javvu mujare muje ðaiyede.

⁶Ñai bueyu Jūmenijicui yávaiye méne jíjacurĩ ũre bueipōecure apejĩ ũi me cūvaede, que ðari caðatecyu ũre bueipōecure jauéde.

⁷Muje bajumia apēcure mujovaicōjemejara. Jūmenijicu bojedacnyume caivu pōevare yópe ne ðaiyepedeca. Que baru pōecu cubebi mujovarĩ buojayu Jūmenijicure. ⁸Ñai ðayu yópe ũi baju ãmeina ðaiyere ũi baju ãmedarĩ coatecyume Jūmenijicure jaruvarĩ aru ñájicnyume cainyuma. Ũbenita ñai ðayu yópe ñai Espíritu Santoi mearo ðaicōjeiyeye cūvacnyume jaravu cūiméjaravu baquinóre Cristoque. ⁹Que baru ũetubevuvu mearo ðarãjarevu, Jūmenijicui bojedaquiyeye aivu majare me añijãravu, ũi beoijãravu baquinói. Majare me bojedacnyume, maje ũetubevuvu ðajocabedu maje ðaiye méne, caðatenajivu apēcure. ¹⁰Que baru mearo ðarãjarevu caivu pōevare cainyuma. Aru pñeno mearo ðarãjarevu majacavu Jesúre ju aivure.

Pablo ũi majicaino aru meaicōjeino Galaciavure

(Jn 3.3-7; 2 Co 5.17)

¹¹Jájara muja caride yo ji toivacainore mujare urarõa toivaivu ji bajui. ¹²Ina pōeva buraicōjene ðaiyurĩdivvu mujare muje cajede nópe ðaivubu, judíova ne me járajiyeye aivu náre. Ũbenita nópe ðaivubu, ina judíova ne ñájine ðabenajiyeye aivu náre yópe ne ñájine ðaiyeye ina corevure Jūmenijicui meadaquiyede náre Cristoi yaiye báque boje jocusujaravena. ¹³Ina buraicōjeivuvacari ne cajede ðabenama yópe Jūmenijicui ðaicōjeiyede ũi coyuyiye báquepe Moisés bácare. Ũbenita buraicōjene ðaiyurivubu mujare, yópe torojurĩ “Ina pōeva ju arĩ, buraicōjedama ne cajede yópe ñuje ðaicōjeiyeye náre”, arĩ coyurãjivu. ¹⁴Ũbenita ye baju ãmevu yure yópe ne ðaicōjeiye. Quénora torojuvu yu ji ũmei yo boje: Jesucristo yaidéjaquemavu jocusujaravena yure boje. Que baru caride ũbevu yu caiye iye ãmeina teiyede ijãravucavu ne ðaiyede. Yu ye dápiabevu yópe ijãravucavu ne dápiaiyeye. Aru na máre ũbenama yure caride. ¹⁵Que baru ye baju ãmevu pōecu buraicōjenu ũi cajede o buraicōjemenu. Quénora bojecavu majare maje cuede mamarumu pōteivure meaũmeque. ¹⁶Jūmenijicu torojurivvu me cure ðajacurĩ cãrijimevuvu aru cōmaje ãroje jájacurĩ caivu ina ðaivure yópe ji bueiyeye Jesucristoi ðaicōjeiyede. Ina nópe ðaivu jáve Jūmenijicui pōevatamu na.

¹⁷Yurecavu cūvacu ji churiá báquede ji bajui, ji memecaiye boje Jesúre. Que baru yo jípcare ina Jesucristore ju aivure cãrijovaiyu chíore ðabejarãri yure.

¹⁸Muja, jívu, maje jabocu Jesucristo mearo ðacajacurĩ mujare muje ũmei bojecubeda ũi me boje. Quédecabu. Quénoramu.